



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. I. Homo à Deo excitatur, ut laudet Deum Finem suum, quem
quærendo invocat, & invocando laudat.

urn:nbn:de:hbz:466:1-10120

vans
429
is ge-
acere
430
trasse
il esse
bindet
431
mque
n pos.
431
onem
, qui
434
illo si
olitu-
etium
436

S. AVR. AVGVSTINI

CONFESSIÖNVM
LIBRI DECEM.

L I B E R I.

Confitetur vitia Infantiae ac Pueritiae suæ , & pro utriusque ætatis beneficiis Deo gratias agit.

C A P. I.

Homo à Deo excitatur , ut laudet Deum finem suum , quem quarendo invocat , & invocando laudat.

I. **M** Agnus es Domine , & lauda- Psal. 144.
bilis valde ; magna virtus tua , 3.
& sapientia tua non est nume- Psal. 145.
rus. Et laudare te vult ho- 5.
mo aliqua portio creatu-
ræ tuæ ; & homo circum-
ferens mortalitatem suam , circumferens
a testimonium peccati sui , & b testimon- Iac. 4. 6.
um , quia superbis Deus resistis ; & tamen lauda-
re te vult homo , aliqua portio creaturæ tuæ .
Tu excitas , ut laudare te delectet ; quia feci-
sti nos ad te ; & inquietum est cor nostrum ,
donec requiescat in te . Da mihi Domine
scire & intelligere , utrum sit c prius , invo-
care te , an laudare te : & si scire te prius sit ,
an invocare te .

R. 2. Sed , quis te invocat , nesciens te ? aliud
A enim

2 S. AVR. AVGUST. CONFES.

enim pro alio potest invocare , nesciens te
Rom. 10. An potius invocaris , ut sciapis ? Quomodo
14. autem invocabunt , in quem non crediderunt ? aut
Psal. 21. quomodo credent , sine prædicante ? & lau-
27. dabunt Dominum , qui requirunt eum ? Quærentes
enim , invenient eum , & invenientes lauda-
bunt eum . Quæram te Domine , invoca-
te ; & invocem te credens in te ; prædicatu-
es enim nobis . d Invocat te Domine fide
mea , quam dedisti mihi ; quam inspirasti
mihi , per humanitatem Filii tui , per mini-
sterium prædictoris tui .

N O T A E.

- a Testimonium peccati) id est concupiscentiam , si-
Rom. 7. legem membrorum captivantem nos in lege peccati , qua-
23. testatur nos esse filios Adæ & natos in peccati
originali , cuius effectus est rebellio carnis & sen-
suum contra spiritum .
- b Testimonium , quia superbis resistis) intelligit iden-
S. Th. peccatum originale ejusque effectus miserabiles
1. 2. q. 85. ignorantiam , concupiscentiam , infirmitatem
a. 3. malitiam , item mala corporis , mortem , mor-
bos , famem , sitim , frigus , æstum , &c. quæ o-
mnia testimonium dicunt nos esse filios Adæ &
Evæ , qui peccaverunt superbe violando præ-
ceptum Dei , & appetendo ejus similitudinem , quan-
tum ad scientiam boni & mali , quam serpens promisit
& 22. q. sed non præstítit , qua superbia nos præcipitarunt
163. a. 2. in has miseras , ob quas suspiramus in hac la-
chrymarum valle .
- c Prius invocare te , an laudare te) Invocare & lau-
dare ordinem non habent , sed mutuo permis-
suntur . Scire autem Deum per lumen naturæ
aut fidei , prius est quam invocare . Invocanti
enim aliquid desiderat , desiderium autem sup-
ponit cognitionem . Invocatur ergo Deus cogni-
tus imperfecte , ut cognoscatur perfectius per
lumen fidei , scientiæ , contemplationis , & ut
ametur perfectius .
- d Invocat te Domine fides mea) dicitur fides invo-
care & impetrare , quia monstrat Deum , qui

10

rogandus est, & ea quæ petenda sunt, & nostras
necessitates, quæ movent ad orandum.

V S V S.

1. Ponit ob oculos Finem ultimum, qui est Deus.
Primum hoc est principium vitæ Christianæ :
*Fecisti nos ad te, & inquietum est cor nostrum, donec
requiescat in te.* Imitatus est S. Augustinum S. Ignatius, qui idem Exercitiorum suorum Fundamentum posuit: *Creatus est homo ad hunc finem, ut
Dominum Deum suum laudet ac revereatur, eique lib. Exec.
serviens tandem salvus fiat.*
2. Incitat ad odium peccati, præcipue Superbiæ.
Quot mala hujus vitæ sunt, tot sunt testimonia
Deum esse hostem & vindicem peccati, præcipue
Superbiæ : humiliemur itaque & fugiamus
peccatum, cuius malitia tot testibus convicta
est, quot sunt dolores nostri & suspiria.
3. Admonemur, ut per Orationem petamus à
Deo gratiam, finem nostrum consequendi, quia
sine Deo ad Deum pervenire non possumus.
Hinc S. Aug. stabilito fine hominis, mox de in-
vocando Deo, sive orando differt.

C A P. II.

*Invocamus Deum, ut veniat in nos, et si
secundum esse suum sit in omnibus, &
omnia in ipso.*

1. **E**t quomodo invocabo Deum meum,
Deum & Dominum meum? Quoniam
utique *a mi* me ipsum eum vocabo,
cum invocabo eum. Et quis locus est in me,
quod veniat in me Deus meus? quo Deus ve-
niat in me, Deus qui fecit cælum & terram?
Itane Domine Deus meus, est quicquam in
me, quod capiat te? An vero cælum & terra,
quæ fecisti, & in quibus me fecisti, capiunt
te?

2. An quia sine te non esset, quicquid
est: fit, ut quicquid est, capiat te? Quoniam
itaque